

## **Taarsiissuteqarnissamut akisussaaffeqarnermik inatsit naapertorlugu taarsiissutit taartisiarititallu aningaasartaannik iluarsiiviginninneq pillugu nalunaarut**

Taarsiissuteqarnissamut akisussaaffeqarneq pillugu inatsimmi § 15 naapertorlugu, tak. inatsimmik nalunaarut nr. 885, 20. september 2005-imeersoq, makku aalajangersarneqarput:

**§ 1.** Taarsiissuteqarnissamut akisussaaffeqarneq pillugu inatsimmi § 15, imm. 1 malillugu aningaasanut inatsimmi ukiumi aningaasaliiffiusumi aningaasat inatsimmi § 3, § 4, imm. 1, § 6, imm. 2, § 8, § 13, imm. 1 oqaaseqatigiit aappaanni, aamma § 14-imi taaneqartut 2,0 pct.-imik ilassuserlugit iluarsiivigineqassapput, tak. iluarsiiviginninnermi procentimut najoqqutassaq pillugu inatsit. Tamatuma kingorna iluarsiiisutaalersut aningaasartaat koruunimut 500-init agguarneqarsinnaasunut qaninnermut akunnaallisinneqassapput, taamaattorli § 3, imm. 1-imi oqaaseqatigiinni siullerni aningaasat taaneqartut koruunimut 5-imit agguarneqarsinnaasunut qaninnermut. Piffissami iluarsiiviginniffimmi akunnaallisitsinnginnermi aningaasat pineqartut tungavigalugit iluarsiiisoqassaaq.

*Imm. 2.* Ukiumi aningaasanut inatsiseqarfimmi 2012-imi iluarsiiviginninnermut procenti 1,2-iuvoq, tak. ukiumi aningaasanut inatsiseqarfimmi 2012-imi iluarsiiviginninnermi procentimut najoqqutassaq, nalimmassaanermut procenti aamma nalimmassaanermut procentimut najoqqutassaq kiisalu aningaasat agguassassat pillugit nalunaarummi nr. 937, 25. august 2011-meersumi § 2.

**§ 2.** Taarsiissuteqarnissamut akisussaaffeqarnermi § 16, imm. 1 malillugu taarsiissutit taartisiarititanullu tunngatillugu 1. januar 2012-miit 31. december 2012-mut aningaasat tamakkerlugit imaluunniit ilaannik akileeqqusisoqarsinnaanermi makku atuutissapput:

- 1) Inatsimmi § 3, oqaaseqatigiit siullianni aningaasat taaneqartut 180 kr.-iupput.
- 2) Inatsimmi § 3, oqaaseqatigiit pingajuanni aningaasat taaneqartut 69.000 kr.-iupput.
- 3) Inatsimmi § 4, imm. 2, oqaaseqatigiit aappaanni aningaasat taaneqartut 790.500 kr.-iupput.
- 4) Inatsimmi § 4, imm. 1, oqaaseqatigiit sisamaanni aningaasat taaneqartut 948.000 kr.-iupput.
- 5) Inatsimmi § 6, imm. 2-mi aningaasat taaneqartut 8.299.000 kr.-iupput.
- 6) Inatsimmi § 8-mi aningaasat taaneqartut 380.500 kr.-iupput.
- 7) Inatsimmi § 13, imm. 1, oqaaseqatigiit aappaanni aningaasat taaneqartut 888.000 kr.-iupput.
- 8) Inatsimmi § 14 a-mi aningaasat taaneqartut 149.000 kr.-iupput.

**§ 3.** Nalunaarut manna atuutilerpoq 1. januar 2012.

*Inatsisinik atortitsinermut ministereqarfik, ulloq 29. november 2011*

MORTEN BØDSKOV

/ Cristina A. Gulisano